

## POJAŠNJENJA NAČINA OBAVLJANJA PRIJEVOZA U/IZ/KROZ BELGIJU U POGLEDU POTREBE I VRSTE TRANSPORTNE DOZVOLE

Bosna i Hercegovina i Belgija nemaju potpisan Sporazum, a temeljem Protokola iz 2014.godine, razmjenjuju univerzalne dozvole za prijevoz tereta.

### 1. BILATERALNI PRIJEVOZI

· Za prijevoze iz Bosne i Hercegovine u Belgiju ili iz Belgije za Bosnu i Hercegovinu potrebna je univerzalna bilateralna ili godišnja dozvola ili CEMT dozvola.

### 2. TRANZITNI PRIJEVOZI

· Za tranzitne prijevoze kroz Belgiju potrebna je univerzalna bilateralna ili godišnja dozvola ili CEMT dozvola.

### 3. PRIJEVOZ U/IZ TREĆE ZEMLJE

· Za prijevoz u/iz treće zemlje prema važećem Protokolu iz 2014.godine, potrebna univerzalna bilateralna dozvola koja se koristi i za prijevoz u/iz treće zemlje ili CEMT dozvola.

a) *Ako vozilo obavlja prijevoz iz treće države u Belgiju koristeći univerzalnu dozvolu, pri čemu logičnim putem tranzitira Bosnu i Hercegovinu, ali tranzitira i Austriju, tada kroz Austriju može koristiti austrijsku bilateralno-tranzitnu dozvolu.*

b) *Ako vozilo obavlja prijevoz iz treće države u Belgiju, pri čemu nema tranzit logičnim putem kroz Bosnu i Hercegovinu, a tranzitira i Austriju, tada tu vrstu prijevoza može obaviti samo na osnovu austrijske CEMT dozvole.*

### 4. PRIJEVOZ NA OSNOVU CEMT DOZVOLE

***Belgija je članica Međunarodnog transportnog foruma (ITF) i učestvuje u CEMT kvoti, te s tim u vezi, potrebno je imati u vidu osnovno CEMT pravilo da prilikom obavljanja prijevoza na osnovu CEMT dozvole, ista se mora nalaziti u vozilu od mjesta utovara do mjesta istovara (što se mora evidentirati i u CEMT dnevniku vožnji).***

**Primjer:**

- 1. Ako vozilo obavlja prijevoz iz Bosne i Hercegovine za Belgiju na osnovu austrijske CEMT dozvole, tada se od mjesta utovara u Bosni i Hercegovini, do mjesta istovara u Belgiji, u vozilu mora nalaziti CEMT dozvola, kao i CEMT dnevnik vožnji u kojem je navedena ova relacija sa svim potrebnim podacima.*
- 2. Ako vozilo obavlja prijevoz iz Bosne i Hercegovine za Belgiju na osnovu CEMT dozvole koja ne vrijedi kroz Republiku Austriju, tada se od mjesta utovara u Bosni i Hercegovini, do mjesta istovara u Belgiji, u vozilu mora nalaziti ta CEMT dozvola, kao i CEMT dnevnik vožnji u kojem je navedena ova relacija sa svim potrebnim podacima. U ovom slučaju, za tranzit Austrije se može koristiti austrijska bilateralno-tranzitna, čiji broj se unosi u posebnim napomenama u CEMT dnevniku vožnje i ista se mora pravilno popuniti i nalaziti u vozilu.*

### 5. KONTAKT OSOBE PREMA VAŽEĆEM PROTOKOLU IZ 2014.GODINE

U važećem Protokolu Mješovite komisije definirane su kontakt osobe zadužene za komunikaciju sa nadležnim institucijama svake od zemalja u pogledu eventualnih problema u međunarodnom cestovnom prijevozu putnika i tereta:

- g. Zoran Andrić, pomoćnik ministra za transport Ministarstvo komunikacija i prometa Bosne i Hercegovine; Tel: 00387 33 707 609 Fax: 00387 33 707 694 e-mail: [zoran.andric@mkt.gov.ba](mailto:zoran.andric@mkt.gov.ba)
- g. Jan Bonte, šef službe Federalne javne uprave za mobilnost i transport; Tel: +322 277 36 83 Fax: +322 277 40 48 e-mail: [jan.bonte@mobilit.fgov.be](mailto:jan.bonte@mobilit.fgov.be)

22.11.2021.godine

Pripremio,  
Zijad Sinanović, dipl.ing.saob